

korištenju obnovljivih izvora energije i učinkovite kogeneracije, preuzeti svu električnu energiju proizvedenu od kvalificiranih proizvođača i postrojenja u probnom radu koja proizvode električnu energiju iz OIE u Federaciji Bosne i Hercegovine, kojima se električna energija otkupljuje po zajamčenoj ili referentnoj cijeni."

#### Članak 3.

U članku 5. stavku (2) iza zagrada se dodaju riječi "i FERK-u", a datum "15. listopada" se zamjenjuje datumom "30. studenog".

#### Članak 4.

- (1) U članku 6. stavci (1) i (3) se brišu.
- (2) Dosadašnji stavak (2) postaje stavak (1), a dosadašnji stavak (4) postaje stavak (2).
- (3) U članku 6. uvodi se novi stavak (3) koji glasi:  
"(3) Operator za OIEiEK je obavezan propisati dinamiku dostave podataka koji služe u svrhu utvrđivanja količina preuzimanja električne energije iz OIE i o istoj obavijestiti sudionike na tržištu."

#### Članak 5.

Ovaj pravilnik stupa na snagu osmog dana od dana objavljivanja u "Službenim novinama Federacije BiH", a isti se objavljuje na oglasnoj ploči i internetskoj stranici FERK-a.

Broj 01-07-861-02/15

15. listopada 2015. godine

Mostar

Predsjednica FERK-a

**Sanela Pokrajčić**, v. r.

(SI-960/15-F)

## МИНИСТАРСТВО ЗДРАВСТВА КАНТОНА САРАЈЕВО

### 1560

Na osnovu člana 70. stav 4. Zakona o pravima, obavezama i odgovornostima pacijenata ("Službene novine Federacije BiH", broj 40/10) i člana 66. i 67. stav. 3 Zakona o organizaciji organa uprave u Federaciji Bosne i Hercegovine ("Službene novine Federacije BiH", broj 35/05), ministrica zdravstva Kantona Sarajevo donosi

### PRAVILNIK

#### O ZDRAVSTVENOM SAVJETU MINISTARSTVA ZDRAVSTVA KANTONA SARAJEVO

#### I - OPĆE ODREDBE

##### Član 1.

Ovim pravilnikom određuje se broj i sastav članova Zdravstvenog savjeta Ministarstva zdravstva Kantona Sarajevo (u daljem tekstu: Zdravstveni savjet), mandat, način izbora i razrješenja članova, poslovi i zadaci, način rada i način finansiranja.

##### Član 2.

Zdravstveni savjet je savjetodavno tijelo Ministarstva zdravstva Kantona Sarajevo koje prati provođenje ostvarivanja i unapređenja prava pacijenata, a u okviru prava i obaveza za područje Kantona Sarajevo.

#### II - ZDRAVSTVENI SAVJET

##### Član 3.

Zdravstveni savjet iz člana 2. ovog pravilnika imenuje i razrješava ministar zdravstva Kantona Sarajevo.

Mandat članova Zdravstvenog savjeta traje 4 (četiri) godine.

##### Član 4.

Zdravstveni savjet ima osam članova i to u pravilu, predstavnike iz redova: pacijenata, mladih, Ministarstva

zdravstva Kantona Sarajevo, komora iz oblasti zdravstva, stručnih udruženja, udruženja za zaštitu prava pacijenata, sindikata zdravstvenih ustanova, odnosno privatnih praksi, Crvenog krsta/križa s područja Kantona Sarajevo.

Prilikom imenovanja Zdravstvenog savjeta poštovat će se princip odražavanja ravnopravne zastupljenosti oba spola.

Poslovi i zadaci Zdravstvenog savjeta utvrđeni su u članu 71. Zakona o pravima, obavezama i odgovornostima pacijenata:

- prati provedbu ostvarivanja prava pacijenata saglasno Zakonu o pravima, obavezama i odgovornostima pacijenata,
- prati provedbu obrazovnih aktivnosti u vezi sa pravima pacijenata,
- raspravlja o izvještajima zdravstvenih savjeta jedinica područne lokalne samouprave,
- daje mišljenja, preporuke i prijedloge nadležnim organima o utvrđenom stanju na području djelokruga rada zdravstvenih savjeta jedinica lokalne samouprave,
- predlaže preduzimanje mjera za izgradnju cjelovitog sistema zaštite i unapređenja prava pacijenata u kantonu odnosno Federaciji,
- daje inicijative za donošenje propisa kojima se unapređuju prava pacijenta, te mišljenje na propise iz ove oblasti koje pripremaju nadležni organi vlasti na svim nivoima,
- saraduje sa organima i organizacijama iz oblasti zaštite i unapređenja prava pacijenata u Federaciji,
- podnosi kantonalnom ministru zdravstva godišnji izvještaj o svom radu,
- obavještava javnost o povredama prava pacijenata,
- obavlja i druge poslove koje mu dodijeli kantonalni ministar u skladu sa ovim zakonom i propisima donijetim na osnovu ovog zakona.

Članovi Zdravstvenog savjeta u svom radu obavezni su postupati tako da ne ugroze obavezu čuvanja službene tajne.

##### Član 5.

Zdravstveni savjet donosi poslovnik o svome radu kojim se bliže uređuje organizacija i način rada.

Administrativne poslove za Zdravstveni savjet vrši Ministarstvo zdravstva Kantona Sarajevo.

##### Član 6.

Na osnovu javnog poziva Ministarstva zdravstva Kantona Sarajevo, prijedlog članova za Zdravstveni savjet dostavljaju udruženja i nevladine organizacije koje su najmanje pet godina upisane u registar na kantonalnom nivou, nezavisni strukovni sindikat radnika zaposlenih u zdravstvu Kantona Sarajevo, komore iz oblasti zdravstva i Crveni križ/krst Kantona Sarajevo.

Kandidat za člana Zdravstvenog savjeta, pored općih uvjeta, treba da ispunjava sljedeće posebne uvjete:

- da je punoljetni državljanin Bosne i Hercegovine
- da ima minimalno tri godine radnog iskustva u oblasti zdravstva u kojoj se kandidira
- da uživa ugled i ima evidentne rezultate rada u oblasti u kojoj djeluje.

##### Član 7.

Predsjednik i članovi Zdravstvenog savjeta mogu biti razriješeni i prije isteka mandata na koji su imenovani.

Ministar zdravstva Kantona Sarajevo može razriješiti predsjednika i članove Zdravstvenog savjeta i prije isteka mandata i to:

